

王
氏
醫
案

王氏醫案續編卷六 原名仁術志

杭州王士雄孟英醫案

同郡凌 霄九峰續輯

已酉春胡孟紳山長患疑坐臥不安如畏人捕自知爲痰餌白
金丸吐之汗出頭面神躁妄聞孟英切其脈絃滑洪數不爲指
撓投石膏竹茹枳實黃連旋覆花粉膽星石菖蒲加雪羹竹瀝
童溲吞礞石滾痰丸下其痰火連得大解夜分較安惟不能斷
酒爲加綠豆銀花枳椇子吞當歸龍蒼丸旬餘脈證漸平神氣

亦靜。尚多疑懼。改投犀角元參丹。參丹皮竹葉竹茹貝母百合。蓮心豬膽汁炒棗仁鹽水炒黃連吞枕中丹。以清包絡肝膽之。有餘而調神志。又旬日各恙皆蠲。卽能拈韻。繼與十味溫膽法。善其後。乃弟季權同時患黑斑苔穢。脈渾氣粗面垢。孟英卽以涼膈散投之。大解得行。腕亦不悶。斑皆透綻。脈顯滑數。而洪遂與大劑涼潤清肅之藥。直俟其旬日外大解不瀉。藥始緩投。復又沉臥不醒。人皆疑之。孟英曰。痰熱尙熾也。仍投大劑數帖。果頻吐膠痰。果日而眠食漸安。是役也。當兩病披猖之際。舉家皇皇。他醫或以前證爲神不守舍。議投溫補。後證則以爲必敗。聞

者無不危之。賴季權之夫人。獨具卓識。任賢不貳。孟英始無掣肘之慮。而咸得收功也。

屠敬思體氣素弱。去冬因子殤于痘。醫與舒鬱填陰。病日以劇。僉云不治。乃延孟英診之。兩關甚數。寸上洪滑。嗽逆痰多。臥不著枕。溺赤便難。極其畏冷。是冬溫未罷。誤補熱鬱之候。世間之死于勞損者。何嘗盡是虛證。每爲補藥僨事。投以廓清肺胃之藥。周身發疥。各恙漸安。蘊伏既清。始投滋養善後。不僅病愈。次年春更得一子。

許芷卿亦精于醫。偶患外感。卽服清散之藥。而證不減。或疑其

非春溫也。邀孟英質之診脈遲澀二便皆行筋掣不眠畏寒能

食喉舌皆赤與大劑清營藥數服而瘥迨夏兩散患疥外科治

之久而不愈孟英謂其平昔善飲蘊熱深沉癆科藥亟宜概屏

令以雪羹湯送當歸龍薈丸果得漸瘳秋閒其太夫人患感連

服溫散轉爲肢厥便秘面赤冷汗脈來一息一歇舉家惶惶慮

卽脫變孟英視其苔黃膩不渴按其胸悶而不舒且聞其嗅諸

食物無不極臭斷爲暑濕內伏挾痰阻肺肺主一身之氣氣壅

不行法宜開降是虛脫之反面也設投補藥則內閉而外脫味

者猶以爲投補遲疑而不及救孰知真實類虛不必以老年懷

虛之愈補愈虛以至於厥者六、半由此

亦下虛而誤補
其上者應補之
難補不如法向
且致害況不應
補而補者乎

成見總須以對證爲良藥。果一劑而脈至不歇。轉爲絃滑。再服汗止肢和。便行進粥數帖而痊。方用紫苑白前竹茹枳實旋貝杏婁兜鈴枇杷葉也。

沈辛甫善軒岐之學。其令正體素弱而勤于操作。年踰四秩。汛事過多。兼以便溲。冷汗氣逆。參耆屢進。病日以危。孟英診曰。心脾之脈尙有根。猶可望也。與龍骨牡蠣龜板鼈甲海螵蛸石英石脂餘糧熟地茯苓爲方。一劑轉機。漸以向愈。

陳舜廷患瘧久不愈。其體素虧。醫皆束手。孟英視之。舌絳無津。微寒溲赤。原屬春溫化瘧。體與病皆不是。小柴胡之例。過投溫

散熱熾陰傷與竹葉石膏湯撤熱存津而愈。

謝再華室素患肝厥孟英于癸卯歲授藥一劑六載安然今夏偶患齒齟繼漸鼻腐頭疼汎阻徹夜無眠蓋秦某作格陽證治進以腎氣湯數服而致劇也孟英與大劑神犀湯加知榮旬日而瘳。

胡韻梅年已踰冠因夜坐感寒患頭疼惡冷嘔吐肢冷孟英視之曰舌絳脈數斑疹之候斷非受寒也幸胡平昔欽信遂與清透藥服之次日點形圓綻細詢果未出痘但火勢甚熾恐其感于俗論囑請專科王蔚文會診所見略同一路清涼自起發至

此大實之證故
治宜如此子見
一小兒出痘自

始至終蓋其不
輟於口稍停其
藥卽慨然不振
正典此案相對
待可見用藥用
熱皆宜隨證變
通未可執一而
論也

落痂毫不雜一味溫升攻托之藥而滿身密布形色粗紫漿濃
痂黑便悶不飢渴無一息之停苟不如是用藥其能免乎此建
中瑣言之所以有功于世也

朱養心後人名大鏞者新婚後神呆目瞪言語失倫或疑其體
弱神怯與鎮補安神諸藥馴致善飢善怒罵詈如狂其族兄已
生邀孟英診之右脈洪滑與犀角石膏菖蒲胆星竹瀝知母吞
礞石滾痰丸而愈其大父患四肢冷顛常服溫補延久不痊孟
英切其脈絃而緩曰非虛也與通絡方吞指迷茯苓丸而瘥
許安卿患咽痛瘍科黃秀元連與升散之藥延及齟腫牙關不

宜降而反升之

登其病之增劇

開舌不出齒。自汗脈澀。絕穀瀕危。其族兄辛泉逆孟英往勸。卽洗去滿頸敷藥。而以菊葉搗塗。吹以錫類散。煎犀羚元參射干馬勃。卮貝山豆根等藥。灌之數日而痊。

莊芝階舍人三令媳患。搐搦。閉日而作。孟英診脈絃數。泛泛欲嘔。口苦不飢。凍寒頭痛。汛事愆期。洩熱如火。乃厥陰暑瘧也。投以大劑犀羚元參卮菊木通。知棟花粉銀花之藥。數日而愈。仲夏滂雨匝月。泛濫爲災。季夏酷暑如焚。人多熱病。有沈小園者。患病于越。醫者但知濕甚。而不知化熱。投以平胃散數帖。壯熱昏狂。證極危殆。返杭日。渠居停吳仲莊。挽孟英視之。脈滑實。

而數大渴。溲赤。稀水。旁流。與石膏。大黃。數下之。而愈。仲莊欲施藥。濟人。託孟英定一善法。孟英曰。余不敢師心自用。攷古惟葉天士。甘露消毒丹。神犀丹。二方。爲濕溫暑疫最妥之藥。一治氣分。一治營分。規模已具。卽有兼證。尙可通融。司天在泉。不必拘泥。今歲奇荒。明年恐有奇疫。但甘露二字。人必疑爲大寒之藥。消毒二字。世人或誤作外證之方。因易其名曰普濟解毒丹。吳君與諸好善之家。依方合送。救活不知若干人也。

附普濟解毒丹

雍正癸丑葉天士先生定

飛滑石

十五兩

綿茵陳

十一兩

淡黃芩

十兩

石菖蒲

六兩

川貝母

五兩

木通

五兩

藿香

射干

連翹

薄荷

白豆蔻

各四兩

右藥曬燥生研細末

見火則藥盡熱

每服三錢開水調服日二次

或以神麴糊丸如彈子大開水化服亦可

孟英自註云此治濕溫時疫之主方也按六元正紀五運分步每年春分後十三日交二運徵火旺天乃漸溫芒種後十日交三運宮土旺地乃漸濕溫濕蒸騰更加烈日之暑燥石流金人在氣交之中口鼻受其氣留而不去乃成溫熱暑疫之病則爲發熱倦怠胸悶腹脹肢痠咽腫斑疹身黃頤腫口渴溺赤便秘吐瀉瘡痢淋濁瘡瘍等證但

看病人舌苔淡白或厚膩或乾黃者是暑濕熱疫之邪尙在氣分悉以此丹治之立效而薄滋味。家慈每于夏季茹素且云汝輩爲醫者當知之吾見疫癘流行之歲無論貧富無可避之總由不知堅壁清野之故耳試看茹素者獨可不染豈非胃中清虛邪不能留乎旨哉斯言特謹識之

遠酒色尤爲辟疫之仙方。智者識之。醫家臨證能準此化裁自可十全爲上。右參喻嘉言張石頑葉天士沈堯封諸家

附神犀丹

犀角尖

磨

石菖蒲

黃芩

各六兩

直生地

冷水洗淨浸透搗

絞汁

銀花

各一斤如有鮮者搗汁用尤良

蕪菁

連翹

各十兩

板藍根

九兩無則以飛淨青黛代

之

香鼓

入兩

元參

七兩

花粉

紫草

各四兩

各藥生曬

切忌火炒

研細以犀角地黃汁糞清和搗爲丸

切勿加密

如難丸可將香鼓煮爛

每重三錢涼開水化服小兒用半丸如無糞清可加人中

黃四兩研入

孟英自註云溫熱暑疫諸病邪不卽解耗液傷營逆傳內陷痙厥昏狂譫語發斑等證但看病人舌色乾光或紫絳或圓硬或黑苔皆以此丹救之若初病卽覺神情昏躁而舌赤口乾者是溫暑直入營分酷熱之時陰虛之體及新

產婦人患此最多急須用此多可挽回切勿拘泥日數誤
投別藥以僨事也兼治痘瘡毒重夾帶紫斑危證暨痘瘡
後餘毒內熾口糜咽腐目赤神煩諸證右本葉氏參治驗

姚祿皆在金陵適遇大水繼而回杭途次酷熱患感顧某診爲
濕邪與桂枝葛根藥三帖病乃劇趙笛樓知其誤治連用清解
因見藍斑不肯承手迺孟英視之脈細數而體瘦平昔陰虧熱
邪藉風藥而披猖營液得溫燥而乾涸斑色既紺危險萬分勉
投大劑石膏知母白薇卮子青蒿丹皮竹葉竹瀝童溲之藥調
以神犀丹三服大解下如膠漆斑色漸退而昏狂遺溺大渴不

已仍與前方調以紫雪數劑熱退神清而言出無倫猶如夢譫或慮其成癩孟英曰痰雷包絡也與犀角菖蒲元參鼈甲花粉竹茹黃連生地木通甘草爲方調以真珠牛黃始得漸安改授存陰調理而愈。

陳蘊泉陡患昏譫。夤夜乞診于孟英。脈甚滑數。苔色膩黃。乃平素多痰。兼吸暑熱。與清解藥一劑。化而爲瘡。脈亦較平。或謂其體弱不宜涼藥。須用人參。渠家惶惑。孟英堅持以爲不可。蓋暑脈頗類乎虛。而痰阻于肺。呼吸不調。又與氣虛短促者相似。平昔雖虛。有病必先去病。况熱能傷氣。清暑熱卽所以顧元氣也。

吾證人多不識
此二層言人雖
論及而無此
明晰

何新之亦贊是議。遂連投白虎加減而愈。次年春因喪妾悲悼。復感溫邪。失于肅清。病日以甚。迨孟英自豫章歸診。已不可救藥矣。

高若舟庶母患脫肛。孟英脈之絃而滑。洩澀苔黃。雖屬高年。非虛證也。清其濕熱而痊。

謝再華請孟英治。乍浦人滯下證。晝夜百餘行。不飢不渴。而欲嘔腹痛。上及于心胸。切其脈頗平和。是寒濕也。與時行暑濕痢大相徑庭。投薑桂萸朴之劑。數服霍然。

趙子善患瘧。長冷不飢。孟英診之脈滑數。苔黃洩赤。腕間善嘔。

投竹葉石膏湯加減以清伏暑而痊。

王一峯次郎患瘧多服薑棗溫散之藥因致壯熱耳聾譫語數
屎不寐昏狂見人欲敵顧聽泉從伏暑治亦不效延至初冬吳

愛棠囑其求診于孟英按脈皆滑卽以顧疏犀角等藥內加葛

大○羅○風○寒○每○高○合○注○

蒲○膽○星○竹○瀝○珍○珠○牛○黃○爲○劑○吞○白○金○丸○一○服○卽○減○旬○日○霍○然○繼

其○令○堂○發○熱○善○嘔○頻○吐○黏○沫○頭○疼○如○劈○口○苦○耳○聾○神○識○昏○瞶○脈

絃○而○數○乃○伏○暑○挾○內○風○之○鴟○張○與○犀○角○元○參○竹○茹○花○粉○知○翹○苓

斛○卮○菊○雪○蘘○等○藥○七○日○而○瘳○

王子能參軍令正久患吐血醫不能愈延孟英視之脈絃滑而

搏指右手較甚渴喜冷飲米穀礙于下嚙小泄如沸夜不成眠
久服滋陰毫無寸效孟英以葶藶湯合雪羹加石膏知母花粉
枇杷葉竹茹旋覆滑石梨汁大劑投三十劑而痊繼而參軍旋
省。患久積憂勞真陰欲匱竟難救藥。尋果仙遊。

余朗齋令堂秋開患伏暑孟英已爲治愈失于調理復患氣衝
自汗肢冷少餐攻補不投仍邀孟英治之與填補銜任清滌伏
痰法合甘麥大棗以補血而愈。

高瑞生令弟瘧久不痊形消不食醫謂虛也投補藥而更增自
汗孟英診之脈絀滑腕下聚氣投小陷胸加竹茹旋枳以開痰。

結漸能納穀。繼以清養。病去肌充。

張篋伯紀綱李貴。患感數日。忽然昏厥。比沿途追求。孟英往視。業已薄暮。主人謂自朝至此。一息奄奄。恐不及灌藥矣。實不便。屈診。孟英曰。余既來。且視之。見其面色灰黯。戴眼口開。按其脈。尚不絕。與菖蒲。膽星。竹茹。旋覆等爲劑。和入童溺。調以牛黃至寶丹。灌之。覆杯而起。

吳醞香大令宰金谿。自春仲感冒而起。迨夏徂秋。痰多氣逆。肌肉消瘦。延至初冬。諸證蜂起。耳鳴腰痛。臥卽火升。夢必下戈。凜寒善怒。多醫咸主補虛。迄無小效。臥理南陽。已將半載。羣公子

蘊香之緹子於五月間曾爲一視知其感受溫邪投以清解三服後頗覺輕減又以赴飲而病復如故然步履尙無恙也後乃惑於溫補之說熱地虎膠等膩滯之藥悉服不較比孟英至而

計無所施。飛函至家。囑大公子汾伯副車叩求孟英來署。已冬仲之杪日矣。診脈絃細而左寸與右尺甚數。右寸關急搏不調。且病者頭垂不仰。氣促難言。舌黯無苔。面鰲不渴。孟英曰。病雖起于勞傷挾感。而延已經年。然溯其所自。平昔善飲。三十年來。期在必醉。非僅外來之客邪。失于清解。殆由內伏之積熱。久錮深沉。溫補雜投。互相煽動。營津受燥。肉削痰多。升降愆常。火浮足冷。病機錯雜。求愈殊難。既承千里相招。姑且按經設法。以石膏知母花粉黃芩等清肺滌痰。青蒿鱉甲梔子金鈴等柔肝泄熱。元參女貞天冬黃蘗等壯水制火。竹茹旋復杷葉橘紅等宣

其勢已棘雖近
漸清解大勢向
愈然病久元虛
邪去而正亦隨
之此所以終於
不起也

中降氣出入爲方。閒佐龍薈丸。直瀉膽經之酒毒。紫雪丹搜逐
髓絡之留邪。服三劑而舌布黃苔。蘊熱漸泄。服六劑而嗽滅。知
飢渴喜熱飲。伏痰漸化。季冬八日。卽能出堂。訊案十劑後。凜寒
始罷。足亦漸溫。肺氣已得下降。望日出。暑行香。繼而兵火之夢
漸清。夜亦能眠。迎春東郊。審結積案。亦不覺其勞矣。方中參以
西洋參。生地。麥冬。充其液。銀花。綠豆。雪羹。化其積。至庚戌歲朝。
各處賀年。午後護日。極其裕如。且肌肉漸豐。面黑亦退。藥之對
病。如是之神。調養至開筵時。起居如舊。各恙皆瘳。而孟英將赴
宜黃。楊明肝之招。醞香爲錄。其逐日方案。跋而舛之。茲特采其

予室人患痰飲
脇痛二十年矣
初則畏寒喜熱
頗宜健脾胃氣
之品至甲辰冬
服神木丸一料
風患頓捐漸不
畏寒已酉冬因
氣喘而復病誤
服遊山散錢許
勢遂披猖得孟
英診視始漸就

大略如此。

定州楊素園明府宰宜黃。吏治有聲。精于醫學。其夫人多病。自治不痊。毘陵吳子和囑其函懇醞香。屈孟英診視。而孟英因母老急欲旋里。堅辭不往。卽據來信所述病狀。擬方立案。云細閱病原。證延二十餘年。始因啖杏生冷。傷乎胃陽。肝木乘虛。遂患脇疼。攣掣身軀。素厚溼盛。爲痰溫藥相投。是其效也。馴致積溫成熱。反助風陽。消爍胃津。漸形瘦削。而痰飲者本水穀之悍氣。緣肝升太過。胃降無權。另闢竅囊。據爲山險。初則氣滯。以停飲。繼則飲蟠。而氣阻。氣既阻。痺血亦愆。其行度積。以爲痰。前此神

安痊但痰飲未
能盡除每日須
按脈數百下噎
氣數十口方覺
稍快否則胸痞
異常二便恒秘
而便出仍不乾
燥偶有時二便
通調則爲之體
適者終日正內
經所謂得後與
氣則快然而痰
也明明痰飲之
證特以陰血入
虧既不任香燥
而氣機滯滯又
不利滋憤遂至
莫可爲計安得

木丸控涎丹之滌飲丹參飲桃核承氣之逐血皆爲傑構已無
遁情迨延久元虛卽其氣滯而實者亦將轉爲散漫而無把握
矣是以氣升火浮顴紅面腫氣降火息黃瘦日增苟情志不怡
病必陡發以肝爲剛臟在志爲怒血不濡養性愈併張胃土屬
陽宜通宜降通則不痛六腑以通爲用更衣得暢體覺寬舒是
其徵也體已虛病似實虛則虛于胃之液實則實于肝之陽中
虛原欲納食而肝逆虬擾欲嘔吐出水已見黑色似屬胃底
之濁陰風鼓波瀾翻空向上勢難再攻承示脈至兩關中取似
形鼓指重按杳然詎爲細故際此春令正鶯飛魚躍之時仰屋

孟英常加膠視
而盡刈其根株
耶

國維參徹土綱繆之議。是否有當。仰就斤繩。

沙參 八錢

鮮竹茹 四錢

川椒紅 二分

烏梅肉炭 六分

茯苓 三錢

旋覆 三錢

金鈴肉 三錢

柿蒂 十箇

仙半夏 一錢

淡肉菴蓉 一錢五分

吳萸湯炒黃連 四分

冬蟲夏草 一錢五分

另用炙龜版藕各四兩。漂淡陳海蛇二兩。鳧芷一兩。精石四

錢。先煮清湯代水煎藥。

正月十四日

右擬方案。來差星夜資回。于十六日到宜。素園讀案狂喜。以爲
洞見臟腑。必欲孟英一診。以冀霍然。遂夤夜備輿。專丁持函求
孟英暫緩歸期。醞香篤于寅誼。再四勸駕。併囑四令。卽季眉偕

行孟英迫于情不可卻二十二日抵宜署初診案云證踰二十
年右脇聚氣有升無降飲阻不宣嘔逆減餐亦將半載二便非
攻不暢容色改換不常吐苦吞酸苔黃舌絳渴喜冷飲畏食甘
甜甘能緩中冷堪沃熱病機于此逗露根深難卽蠲除標實本
虛求痊匪易據述脈亦屢遷似無定象夫旣流善幻顯屬于痰
茲按脈左緩滑右爽遲兩尺有根不甚絃澀是汎愆因乎氣阻
尙非陰血之枯春合肝木乘權胃土久受戕尅病已入絡法貴
緩通通則不痛腑以通爲補法雖時變不能舍通字以圖功布
鼓雷門諸希教正

沙參 八錢 鮮竹茹 四錢 青黛 五分 旋覆 三錢 酒炒黃連 六分

白前 一錢 生白痰 三錢 紫苑 一錢 海石 五錢 川棟子 三錢

川貝 一兩 黑卮 三錢

另以生蛤粉生冬瓜子蘆根蘆薈各壹兩絲瓜絡五錢漂蛇

二兩柿蒂十箇先煮湯代水煎藥蒸類二分

後下

再診左脈如昨。兼絃。右寸亦轉緩滑。中脘氣漸下降。二便欲解。不行。蓋升降。常樞機窒滯。由乎風陽浮動。治節橫斜。肺既不主。肅清一身之氣。皆滯也。輕可去實。先廓上游。

前方去海石加括婁三錢枳實一錢

三診脈來較靜。小溲漸行。雖未更衣。已能安穀。濁得下降。導以清通。

前方去貝棟加歸尾錢半桃仁十粒送服導水九十粒

四診。骸涼便滯。氣少下趨。額面時紅。火炎上僭。兩脇較熱。絡聚痰瘀。疊授清宣。更衣色黑。噫氣漸罷。酸水不嘔。納穀頗增。脈稍和緩。法仍緩導。冀刈根株。

前方去枳實歸尾減導水丸五粒

五診。各恙皆減。眠食漸安。火猶易升。頭疼面赤。頰瘦結核。腸熱未蠲。脈漸柔和。且參清養。

前方去白前青黛紫苑黃連加銀花貝母黃菊丹參陳細茶
椒攪

六診積痰下降。頸核漸平。舌紫口乾。卯辰熱。陰虛木旺。氣道
尙未肅清。養血清風。自可使其向愈。

前方去陳茶慈鬚加石斛

留贈善後方 便色轉正用此

沙參 八錢 冬虫夏草 二錢 女貞 三錢 丹參 三錢 鮮竹茹 四錢

川斛 五錢 鹽水泡橘紅 八分 黃菊 三錢 旋覆 三錢 黑梟 三錢

川貝 四錢 金鈴肉 錢半

另以炙鼈甲漂蛇各一兩葦莖二兩絲瓜絡五錢煮湯代水

煎藥

又 諸恙盡瘳用此滋養

前方去橘紅菊花金鈴子旋覆加石英沙蒺藜各三錢
菝蓂當歸各錢半湯引去葦莖加炙坎版一兩藕二兩

余姪森伯患發熱面赤湯而微汗孟英視之曰春溫也乘其初
犯邪尚在肺是以右寸之脈洪大宜令其下行由腑而出則即
可霍然投知母花粉冬瓜子桑葉杷葉黃芩葦莖卮子等藥果
大便連瀉極熱之水二次而脈靜身涼知飢啜粥遂痊設他人

治之初感總用汗藥勢必釀成大證。

王氏醫案卷六完 原名仁術志

王氏醫案續編

卷六

五

王氏醫案續編卷七 原名仁術志

浙西王士雄孟英醫案

同郡沈宗淦辛甫續輯

謝譜香素體陰虛。忽患環跳穴痛。始而下及左髀。繼而移于右。發甚至兩足轉筋。上衝于腹。閒或痛自乳起。下注于髀。日夜呼號。肢冷自汗。略難反側。醫見其血不華色。輒投補劑。迨仲春孟英自江西歸。診脈絃。奕微滑。畏熱。知飢。瘦短。便堅。舌紅。不渴。乃陰虛而痰氣滯于厥陰也。以菴蓉、鼠矢、竹茹、絲瓜、絡橘、核、茴香。

湯炒當歸吳萸湯炒黃連川椒湯炒烏梅延胡湯炒棟實海蛇
鳧苴爲劑。一服卽減。數啜而安。繼與虎潛加秦朮而起。

陳建周令卽患春溫。初起卽神氣躁亂。驚懼不眠。兩脈甚數。孟
英謂溫邪直入營分也。與神犀丹佐紫雪兩劑而瘥。夏閒吳守
旃暨高若舟令卽胡秋初四令愛患溫。初起卽肢痠。妄言神情
昏亂。孟英皆用此法。尋卽霍然。世人每執汗解之法。爲初感之
治。孰知病無定體。藥貴得宜。無如具眼人稀。以致天枉載道。歸
諸天數。豈盡然歟。

鮑繼仲于季春望日。忽然發冷而喘。汗欲厥。速孟英視之。脈沉。

絃而更滑帶數是素患痰飲必誤服溫補所致也家人始述去冬服胡某腎氣湯頗若相安至今久不吐痰矣孟英曰病在肺肺氣展布痰始能行雖屬久病與少陰水泛迴殊辨證不明何可妄治初服頗若相安者方中附桂剛猛直往無前痰亦不得不爲之辟易又得地黃等厚濁下趨之品迴護其跋扈跳梁之性然暴戾之氣久而必露柔膩之質反阻樞機治節不伸二便瀦少痰無出路愈伏愈多一朝卒發遂壅塞于清陽升降之路是以危險如斯須知與少陰虛喘判分霄壤切勿畏虛妄補投以薤婁枳杏旋赭橘半菀茹蘆根蛤粉雪羹之劑而平繼與肅

此正吳氏所謂
涼藥無添穢之
功而反冰伏其
邪也

吳又可之法切
於疫而不甚切
於溫觀此可見

清肺氣而滌留痰。匝月始愈。

主皺石廣文令弟患春溫。始則譫語發狂。連服清解大劑。遂昏
沉。不語。肢冷如冰。目閉不開。遺溺不飲。醫皆束手。孟英診其脈
絃大而緩滑。黃膩之苔。滿布穢氣。直噴。投承氣湯。加銀花石斛。
黃芩。竹茹。元參。石菖蒲。下膠。黑矢甚多。而神稍清。略進湯飲。次
日去硝黃。加海螵。蘆菴。黃連。石膏。服二劑。而戰解。肢和。苔退。進
粥。不勞餘力。而愈。繼有張鏡江。邀泊葉某。又錢希敏之妹。丈李
某。孟英咸一下而瘳。惟吳守旃之室暨鄭又僑。皆下至十餘次。
始痊。今年時疫盛行。醫多失手。孟英隨機應變。治法無窮。救活

獨多不勝縷載。

褚芹香女校書患汛愆寒熱醫以爲損輒投溫補馴致腹脹不飢帶淋便閉洩澀而痛孟英診脈絃勁而數乃熱伏厥陰誤治而肺亦壅塞也與清肅開上之劑吞當歸龍薈丸兩服寒熱不作而知飢旬日諸恙悉安。

案中所載多溫
瘧暑癘故治多
涼解瘧證多端
寒熱俱有不可
執一而論此證
亦溫瘧也

聞氏婦孟夏患閒瘧而妊身八月數發後熱熾昏沉腰疼欲墮張養之囑援于孟英脈來洪滑且數苔色黃膩垢濁與黃芩知母竹茹竹葉銀花桑葉絲瓜絡石斛石膏菖蒲一劑而痊朱佳木令尊患閒瘧年踰七旬人頗憂之孟英切脈絃滑腕悶

察脈更數。是溼溫重證。故初起卽黃。亟與清解。大便漸溏。小溲甚赤。溼熱已得下行。其熱卽滅。因家住茅家埠。吝惜輿金。遽爾輟藥。七八日後復熱。譫語昏聩。抽痲遺溺。再懇孟英視之。溼熱之邪擾營矣。投元參犀角膏蒲連翹竹茹竹葉銀花石膏泄瀉清營之法。佐牛黃太紫雪丹而瘳。髣皮已塌。亟令貼羊皮金。不致成瘡而愈。

朱惇書令正患感。吳某與表藥二帖。發出赤疹。神氣漸昏。葉某知其素患耳聾目障。爲陰虛之體。改用犀角地黃湯二劑。而遺溺痲厥始延。孟英視之。曰。雖形瘦陰虧。邪易擾營。幸非溼盛之

軀。尚。可。設。法。但。心。下。拒。按。呃。逆。便。闕。是。痰。熱。尚。阻。氣。分。誤。服。升。提。每。成。結。胸。地。黃。滋。滯。實。爲。禁。藥。今。人。臨。證。不。能。詳。審。往。往。用。非。所。當。用。本。年。敗。證。甚。多。余。每。見。神。未。全。昏。便。不。甚。闕。惟。胸。前。痞。結。不。可。救。藥。而。死。者。皆。升。提。之。誤。進。或。滋。滯。之。早。投。也。石。北。涯。在。旁。聞。之。歎。曰。無。怪。乎。君。素。以。犀。角。地。黃。湯。奏。奇。績。而。他。人。效。尤。屢。債。事。豈。非。能。與。人。規。矩。不。能。與。人。巧。耶。于。是。以。犀。角。元。參。茹。貝。旋。婁。杞。苑。白。前。菖。蒲。爲。方。調。紫。雪。兩。服。呃。逆。止。神。漸。清。而。咽。疼。口。渴。乃。去。紫。雪。前。菖。加。射。干。山。豆。根。知。母。花。粉。吹。以。錫。類。散。二。日。咽。喉。卽。愈。胸。次。漸。舒。疹。回。熱。退。去。犀。角。紫。苑。射。干。豆。

根加銀花。卮子。竹葉。海蛇。鳧。此漸安。眠食。唯大解。久不行。孟英曰。腹無痛苦。虛體祇宜潤養。佐以菘菘。麻仁。當歸。生地等藥。多服而下。遂愈。

李德昌之母。仲夏患感。醫診爲溼。輒與燥劑。大便反瀉。遂疑高年氣陷。改用補土。馴致氣逆。神昏。汗多。舌縮。已辦後事。始乞診于孟英。脈洪數無倫。右尺更甚。與大劑犀角。石膏。黃芩。黃連。黃柏。知母。花粉。卮子。石斛。竹葉。蓮心。元參。生地之藥。另以冷雪水調紫雪灌。一晝夜。舌卽出齒。而喉舌赤腐。嚙水甚痛。乃去三黃。加銀花。射干。豆根。併吹錫類散。三日後。脈證漸和。稀糜漸受。改

運樞機通經絡
爲孟英用藥祕
訣無論用補用
清皆不離此意
細觀各案自知

投甘涼緩劑旬日得堅黑矢而愈。

余明齋形瘦體弱患閒日瘡寒少熱多二便澀滯脘膈悶極苦
膩不渴孟英切脈緩滑而上溢曰素稟雖陰虧而痰溼阻痺既
不可以提表助其升逆亦未宜以涼潤礙其樞機投以滑朴茹
旋通草枇杷葉葶藶金蘭葉之方苦色漸退卽去朴鬱加連
枳半夏胸悶漸開瘡亦減便乃暢再去滑半連枳加沙參石斛
橘皮黃芩淡旬而愈。

董哲卿貳尹令正胎前患嗽晚後不痊漸至寢汗減餐頭疼口
燥奄奄而臥略難起坐孟英診脈虛絃與數視舌光赤無苔曰

此頭疼口燥乃陽升無液使然。豈可從外感治。是衝氣上逆之。嗽。初。非。傷。風。之。證。也。與。菴。蓉。石。英。龜。板。茯。苓。冬。蟲。夏。草。牡。蠣。櫛。之。遂。愈。

慶雲圃觀察令郎恩蔭堂司馬。陡患偏墜。醫與茴香蘆巴烏藥。荔枝等劑。遂痛不可忍。浼趙棠村。陸尹。邀孟英視之。按其脈。膚甚熱。曰非疝也。畢大腫痛。必偏于右。此溼熱時邪也。設以疝治之。必成癰。按法治之。果覆杯而痛減。三服而便行熱退。因食羊肉。腫痛復作。再與清解。諄囑慎口腹而瘳。

吳憲章年踰花甲患感醫知其爲溼溫也投藥不應而仍能起
楊理事石北涯拉孟英視之冀其勿致加劇及診脈左寸數疾
餘皆戛大穀食略減便溏洩少苔色膩黃舌尖獨黑孟英不肯
予方人咸詫之因曰證原不重吾以脈象舌色察之是平昔曲
運心機離火內亢坎水不制勢必自焚况兼溼溫之感乎果數
日而殞

黃純光年七十八歲患溼溫至旬餘脈形歇代呃忒連朝諸醫
望而畏之孟英診曰脈雖歇而絃搏有根是得乎天者厚雖屬
高年猶爲實象參以病深聲噦原非小故而二便窒澀苔膩而

灰似府氣未宣。痰溼熱阻。其氣化流。行之道也。清宜展布。尙可
圖焉。何新之。躋其議。因以旋。茹。卮。棟。杷。杏。莢。連。芩。婁。雪。羹。爲。劑。
片。通。草。一。兩。煎。湯。煮。藥。投。七。卽。減。數。服。而。大。吐。膠。痰。連。次。更。衣。
遂。安。粥。食。惟。動。則。嗽。逆。漸。露。下。虛。之。象。子。西。洋。參。龜。板。牡。蠣。莖。
蓉。石。斛。牛。膝。冬。蟲。夏。草。石。英。茯。苓。當。歸。等。藥。而。各。悉。遞。安。繼。加。
砂。仁。熟。地。而。起。

錢聞遠自春閒偶患痰嗽。醫投蘇葛而失音。更醫大劑滋補。漸
致飲水則噎。久延愈劇。邀孟英診。曰。左寸動數。尺細。關絃。右則
澀。乃心陽過擾。而暗耗營陰。肺金受燥。清肅不行。水失化源。根

無○陰○庇○左○升○太○過○右○降○無○權○氣○之○經○度○既○乖○血○之○絡○隧○亦○痺○飲○
水○則○嗆○是○其○據○也○金○遇○火○而○伏○其○可○慮○乎○繼○而○瘀○血○果○吐○納○食○
稍○舒○老○醫○嚴○少○稽○以○爲○可○治○竭○力○圖○維○仍○殞○于○伏○

湯○西○膝○年○踰○花○甲○感○證○初○起○周○身○膚○赤○滿○舌○苔○黃○頭○痛○腰○疼○便○
澀○溲○痛○伊○親○家○何○新○之○診○爲○險○候○囑○延○孟○英○診○之○脈○見○絃○細○而○
奕○乃○陰○虛○勞○倦○溼○溫○毒○重○之○證○清○解○之○中○須○寓○存○陰○以○犀○角○羚○
芩○茹○銀○翹○桑○葦○通○草○蘭○葉○爲○方○煎○以○冬○瓜○湯○服○之○偏○身○赤○疹○而○
左○眼○胞○忽○腫○右○臂○痠○疼○不○舉○耳○聾○神○不○清○爽○亟○以○元○參○丹○皮○菊○
花○卮○子○桑○枝○絲○瓜○絡○石○斛○竹○葉○煎○調○神○犀○丹○爲○劑○偶○邀○瘍○科○視○

外患亦知病因溼熱連進木通等藥。脈更細弱神益昏憊。飲食不進。溼滯愈疼。新之以爲難挽矣。孟英曰。急救陰液。尙可轉機。投復脈湯。去薑桂麻仁。易西洋參。加知母花粉竹葉。蔗漿灌之。一劑神甦。脈起。再服。苦退。知飢。三啜。身涼。渴暢。六帖後。膚蛻安眠。目開。舌潤。或疑甘柔滑膩之藥。何以能清溼熱。孟英曰。陰虛內熱之人。蘊溼易于化火。火能爍液。濡布無權。頻溉甘涼。津回氣達。徒知利溼。陰氣先亡。須脈證詳參。法難執一也。又服數劑。後忽然肢腫。偏發風塊。癢癢異常。或又疑證之有變也。孟英曰。此陰液充而餘邪自尋出路耳。與輕清藥數帖。果瘥。

趙菊齋仲媳素患陰虛內熱時或咯血。去年孟英已爲治愈。既而汛事偶愆。孟英診曰。病去而孕矣。今春晚後患瀉。適孟英赴豫章之診。專科進以溫熱之方。而欬嗽乃作。更醫改授養營之劑。則滑泄必加。籤藥。凡方備嘗。莫效。比孟英歸。投以甘麥大棗配梅連之法。證漸輕。減繼爲其姻黨尼之多方。蠻補。遂致腹痛。減餐。日下數十行。皆瑩白堅圓。如白蒲桃之形。上紫血絲。菊齋悔悶。仍乞援于孟英。于仲景當歸生薑羊肉湯。每劑吞雅膽仁二十一粒。以龍眼肉爲衣。果兩服。而便轉爲澀。痛卽遞減。再與溫養奇經之龜板鹿霜歸苓杞菟甘芍烏鰂菴蓉蒲桃藕等藥。

調理而痊。

海鹽任斐庭館于關琴楚家季夏患感黃某聞其身熱而時有微寒也進以薑黃柴棗等藥數帖熱愈壯而二便不行更醫連用滲利之劑初服洩略通既而益闕居停以爲憂始延孟英視焉證交十四日骨瘦如豺脈絃細而澀舌色光紫滿布白糜夜不成眠渴不多飲粒米不進少腹拒按勢將喘逆雖屬下證而形脈如斯法難直投先令取大田羸一枚鮮車前草一握大蒜六瓣共搗爛加麝香少許罨臍下水分穴方以元參紫苑卮子知母花粉海蛇鳧苾菀蓉牛膝天冬爲劑加鮮地黃汁服之其

外治法甚奇

夜小溲卽行。氣平略寐。又兩劑大解。始下退熱。而漸進稀糜。乃去雪羹。卮菀菴膝地黃汁。加西洋參。麥冬。石斛。乾生地。竹茹。銀花等藥。又服十餘帖。凡三解黑矢。而舌色復于紅潤。眠食漸安而起矣。

莊芝階舍人令愛。孀居在室。陡患氣衝欲厥。痛莫當。自服沉香。吳萸等藥。病益劇。而嘔吐發熱。略有微寒。孟英按脈絃滑。且數。苔色滑膩微黃。而渴喜冷飲。便閉溲熱。眠食皆廢。是伏痰內盛。肝逆上升。而兼吸受暑熱也。予吳萸水炒黃連。枳實。竹茹。栝。實。石膏。旋覆。赭石。知母。半夏。雪羹。服二劑。吐止痛減。五劑熱退。

而解猶不暢。旬日始得豁然。乃去石膏。知母。旋。頰。調之而愈。
陳書伯太史令弟婦。婉。後三日發熱。汗多。苔黃。眩悸。孟英切脈。
絃細。虛數。乃營陰素虧。酷熱外燠。風陽浮動。瘵厥之萌也。予元。
參。白薇。青蒿。生地。小麥。稽豆。衣石。斛。鼈甲。竹葉。兩劑。熱退。知飢。
悸汗不止。去蒿薇。加龍牡。蓮心。龜板。石英。而安。繼又暑風外襲。
壯熱如焚。渴飲不飢。覩物盡赤。改投白虎。加西洋參。竹葉。蓮桿。
一吸而瘳。仍與鎮攝。滋潛善其後而愈。

顧氏婦。半產後。因喫飯。腕痛。人以爲停食也。進以消導。痛甚。發。
熱。臥則右脇筋掣。難忍。孟英曰。此非發散。攻消可療。予旋覆。絲。

瓜絡冬瓜子蓮桿葦莖竹茹貝母枇杷葉蘭葉通草爲方一劑
知二劑已。

高氏婦因戒鴉片而服外洋丸藥諸無所苦惟便閉不通醫治
兩月迄不能下且仍安穀而面赤齟脹欲挑每以銀鍼嵌入齒
縫而拔出之時銀色已如煤黑孟英診脈滑數予犀角石膏硝
黃升麻蜣螂爲劑和以鮮銀花汁一杯服後夜閉登圉三四行
而病去及半再予清解化毒而痊。

太倉陸竹琴令正陡患心悸肢冷如冰其子皇皇浼吳江程勉
耘懇援于孟英察其脈浮絃而數視其舌尖赤無苔乃陰虛陽

越煎厥根萌子元參二至三甲龍齒石英生地牛膝茯神蓮子
心而愈

趙子循室。晚後服生化湯二帖。更因驚嚇。三朝發熱。連投四物
六合等湯。病日以甚。半月後始延孟英診之。脈象左絃急。右洪
滑數。苔黃大渴。譫語。嗽痰。惡露。仍行。唇齒乾燥。是因陰虛之體。
血去過多。木火上浮。酷暑外燥。津液大耗。兼有伏痰之候也。亟
與管衛兩清。冀免他變。而母家極畏石膏。堅不與服。越三日。勢
益劇。計無所施。子循之叔笛樓。與其表兄許芷卿。徑以白虎加
減投之。證有轉機。翼日再延孟英。會同笛樓。暨其舅氏許吉齋。

仍是陰血大虛
故變證如此非

山長協商安治。咸是王議。且以西瓜汁助其藥力。熱始日漸下。行二便如火。又數日漸安。粥食神氣亦清。起坐梳頭。夜能靜寐。然熱蘊太久。下焦患癰。膿雖卽潰。陰液漏傷。脈復空數。浮大便秘。善嘔。口乾多夢。皆木少水涵。燥津侮胃之見證也。孟英與笛樓商。以白頭翁湯加龍骨三甲甘草木瓜。以育陰潛陽餘糧。石脂丸中加梅連。以息風鎮胃。果得瘡口膿乾。餐加瀉止。脈柔熱淨。苔退神怡。正須善後。甫授滋填。不期酷熱兼旬。甘霖忽降。臆開徹夜。復感風邪。身熱微寒。鼻流清涕。而陰液久奪。外患未加。培養礙投。又難發汗。肝風內應。痰噤旋形。九仞之功。遂成畫餅。

聖由於風邪也

門外漢未免以成敗論。然此案自堪傳也。

陳某患嗽。嗽則先吐稀痰。次則黃濃甜濁之痰。繼之以深紅帶紫之血。仍能安穀。別無所苦。多藥不愈。孟英切其脈。緩大而右關較甚。乃勞倦傷陽。而兼溼熱蘊積也。予沙參、生薏、苡木、瓜蒌、苓、竹、茹、桑、葉、枇杷、葉、生、扁、豆、葦、莖、花、粉、爲、劑。吞松石豬膽丸。而愈。王瘦石夫人患滯下。腹痛微嘔。不飢。口苦。溲短。耳鳴。孟英診曰。脈見細弱之形。肌無華澤之色。汛不行。而早斷。舌紫黯。以無津。是素質陰虧。情懷悒鬱。二陽默熾。五液潛消。雖吸暑邪。莫投。養藥。子白頭翁湯。加雪羹、銀花、卮子、棟實。數劑而減。繼去雪羹。

先清暑邪

加生地菘蓉柿餅藕汁而安。改投甘麥大棗加西洋參生地菘
蓉竹茹歸芍蒲桃乾。而以藕湯煎服。調養體質以痊。

王氏醫案續編卷八

杭州王士雄孟英醫案

仁和徐然石亞枝續輯

仁術志者。海豐張君柳吟所題孟英之醫案也。吾師趙菊齋先生。暨莊舍人芝階爲之序。余以未與其事。深以爲歉。秋閒偶過孟英。適有陳姓者牽羊來謝。孟英頗疑之。其人曰。三月閒次媳患時感。而氣逆不能眠。醫皆畏卻。特延君診。甫按脈云。甚滑疾。是爲娠象。用藥必須顧及。此時次媳於去秋晚後。月事尙未一。

行君爲此言。闔家未嘗不竊笑也。迨疾漸平。哺兒之乳亦不覺少。雖自問亦斷斷非孕。至六月閒。腹漸脹。方謂有病。不料昨日條產一孫。舉家敬服高明。故來致謝耳。孟英因謂余云。昨診魏子恒之室亦妊也。諸醫作虛損治。脈雖虛微。奕數而滑象仍形。病家深不以吾言爲然者。緣病人之女兒二人。皆死於虛勞也。然其伯仲之證。吾皆診焉。今已十餘年矣。猶憶伯字於關氏未嫁而卒。證非不治。亦爲藥誤。病中閱吾方案。極爲折服。且曰。先生來暮。儂不能起矣。前此延致諸名家。徒曰虛證宜補而不治。其所以虛方則羣聚補藥。必以地黃爲之冠。雖有參耆亦列於

徐靈胎批葉案
云便血無至十

後卽使用藥不乖。而陽生陰長。氣爲血帥之旨。尙未分曉。况其
他乎。吾聞而愕然。何以閨中女子。亦解談醫。細詢始知爲乾隆
間名醫吳穎昭先生之女孫也。尤爲惋惜。仲適於陳少帝少府。
的係損證。若季者。因其家懷先人之見。遂致醫人迎合誤事。豈
不可歎。迨秋仲果聞魏氏分娩。母子皆亡。方歎孟英之卓見。爲
不可及也。爰采秋冬諸案之治法。不同於尋常者。而續成一卷。
云。
便血至三十餘年。且已形瘦腰疼。嗽痰氣逆。似宜溫補之法矣。
而嘉定沈醞書患此瀕危。求孟英以決歸程之及否。比按脈絳。

餘年者惟痔血則有之今便血三十餘年不問可知爲痔血矣惟徐氏未嘗出方孟英此案足爲程式

數視舌苔黃詢溺短赤曰痔血也。始誤於溫補矣。肯服吾藥。旬日可瘳。醞書欣感。力排眾論。徑服其方。果不旬而愈。方用葶藶。合白頭翁湯。加枇杷葉。旋覆花。側柏葉。藕。是肅肺祛痰清肝涼血互用也。

產後諸證。首必通瘀。然有不可以常理測者。表弟周鶴庭室。新產。暈汗。目不能開。心若懸旌。毫無惡露。乃父何君新之。按其脈。有虛絃。豁大之形。亟拉孟英圖之子。以三甲石。英丹。參。琥珀。甘○滋○陰○之○藥○也○此○行○之○也。草。小麥。稽豆。衣等藥。覆杯即安。數服而愈。或詰其何以知非瘀血爲患。曰。此陰虛之體。既產而營液大脫。風陽上冒。雖無惡露。

胸腹皆舒。豈可誤作痰衝而妄投破血之藥耶。

許季眉別駕室歸自維揚。仲秋患疝。自作寒溼治。勢益劇。其從子芷卿以爲挾風暑也。連進清解。病不減。邀孟英診之。脈絃滑。而洪體豐。多汗。苔黃。便血。嘔渴。妄言。徹夜不眠。欲卧于地。乃伏痰內。盛暑擾陽明也。投大劑石膏。知母。犀角。元參。石斛。銀花。黃芩。花粉。蘭葉。竹瀝。三帖。證始平。芷卿隨以多劑。肅清而愈。

莊芝階舍人年七十矣。患閒癩。寒則戰慄。熱則妄言。孟英視之。脈絃數。而促。苔黑。口乾。是素有熱痰。暑邪內伏。子知母。花粉。元參。石斛。黃芩。竹茹。連翹。海蛇。蘆菔。蓮子。心等藥。數啜而瘳。至仲

冬因泛湖宴客。感冒風邪。痰嗽頭疼。不飢寒慄。自服羌蘇荆芥藥二劑。勢益甚。而口渴無溺。孟英切其脈。與季秋無異。但兼浮耳。證屬風溫。既服溫散。所謂熱得風而更熾也。舌絳無津。亟宜清化。以桑葉枇杷葉。梔子知母。冬瓜子元參菊花花粉貝母梨汁爲劑。投七卽減。旬日而痊。

孫位申室。平昔陰虛肝滯。痛脹少餐。暮熱形消。咽疼喉癢。不孕育者九年矣。往歲汛愆。人皆謂將不起。而孟英切其脈。尚不細。膚猶淖澤。許籌帶病延年之策。果月事仍行。而諸恙皆緩。且能作勞。惟飯食日不過合米。今秋延孟英往診。云經自三月至今。

未轉一切舊恙。彌見其增。君術雖仁。恐難再延其算矣。及舉脈
絨滑左甚。遞曰豈僅可延其算哉。且有熊羆入夢矣。其家聞之
駭異。迫季冬果得一子。頗快而健。

翁嘉順於去年秋閒。偶從梯半跌仆。初無所傷。旬日外陡發寒
熱。膝旁腫痛。外科汪某治之。潰後不能收功。另招許某療之。識
爲傷絡。應手漸效。翁極信服。然培補年餘。雖納食不減。而肌肉
漸削。面色黧黑。步履蹇滯。且一旬半月之閒。必患處疹腫。大發
寒熱。臥榻數日。始能強起。大費不貲。愈發愈劇。至冬閒咽糜齧
腐。睛赤音嘶。乃懇孟英以決吉凶。按脈滑數。舌絳便艱。口臭洩

孟英諸家大抵
救溫補之失故
樂涼爲多然料
酌盡善不以苦
寒傷生氣則非
他人所能學步
也

少蘊隆蟲蟲良由瘍醫僅知溫托一法。既潰之後。更以溫補收
功善後。竟未察其體氣病情。以致平時所有之溼熱痰火。一齊
關住。病猶自尋出路。寒熱頻作。而醫者不識。妄指爲虛補。及踰
年。人財兩瘠。真諺所云。將錢買憔悴也。予元參黃柏知母甘草
銀花芩粉綠豆卮子海蛇鳧苡爲大劑。投之外。吹以錫類散。且
今日啖梨蔗麒麟茶柿餅等物。至五十日。諸恙悉蠲。體腴善步。
胎前產後。疑似極多。號曰專科。尙難措手。陳肖巖孝廉媳屠仲
如之女也。汛愆一度。次月仍行。方疑其病也。孟英診曰。尺雖小
弱。來去緩和。是娠也。繼而果然。仲如令弟子綠之室。經事稍遲。

通血之劑亦清
靈無弊

孟英偶診亦以孕斷尋驗甫三月患胎漏適孟英丁內艱遂不
克保而墮墮後惡露雖行而寒熱頭疼時或自汗且覺冷自心
中出醫謂類瘧與溫化之藥病日甚交八日孟英始出門卽延
診之脈來沉實而數舌色紫黯乃瘀血爲患耳予桃仁澤蘭山
查茺蔚旋覆紅花丹參通草琥珀蛤殼絲瓜絡之劑服後腹大
痛下瘀血如肺者一枚次日諸恙較減乳汁大流再以前方去
通草加麥蘖投之服後腹仍痛復下瘀塊纍纍而諸恙若失或
問先生嘗言產後腹無痛苦者不可妄行其血此證惡露已行
腹無疼脹何以斷爲瘀阻而再行其血耶孟英曰正產如瓜熟

帶落諸經。蔭胎之血貫串流通。苟有瘀停。必形痛脹。墮胎如癥。瘍未熟。強擠其膿。尙有未化之根柢。不能一齊盡出。所以胎雖墮。而諸經蔭胎之血萃而未渙。淺者雖出。深者尙留。况是血旺之軀。加以溫升之藥。挽其順流之路。窒其欲出之機。未到腹中。脹疼奚作。吾以循經通絡。宣氣行瘀之法。導使下行。故出路始通。而後腹痛瘀來。然必有脈可徵。非謂凡屬墮胎。皆有是證也。鎮容亭令姊。自太倉歸寧。卽患時瘡。顧某一手清解。業已安穀。下榻矣。忽然氣逆肢寒。神疲欲寐。耳聾舌蹇。昏不知飢。大便行仍別無痛苦。願知其素患脫血。元氣久虛。改用參附等藥。勢愈劇。

以爲欲脫矣。所親吳久山囑拉孟英圖之。切脈絃緩視苔黃膩。乃胎之初孕。阻氣凝痰。窒礙樞機。治當宣豁。以石菖蒲枳實旋覆半夏黃連茯苓橘皮葱白海蜃竹瀝爲方。投七卽效。三啜霍然。繼而久山令妹爲鎖繩先之室。患瘡而馴致腕痞嘔呃鼻冷。自汗不食不眠。脈來歇止。醫者危之。孟英視之。亦痰爲患耳。卽以此方去葱蛇竹瀝加薤白萸仁竹茹投之。果驗。

高石泉仲媳骨小肉脆。質本素虛。冬閉偶涉煩勞。不飢不寐。心無把握。夜汗耳鳴。馮某連進滋陰法。病日甚。孟英察其左寸甚動。兩關絃滑苔色膩黃。乃心肝之火內燔。胃府之氣不降。陰虧

固其本病滋填未可爲非然必升降先調而後補之有益授鹽
水炒黃連石菖蒲元參丹參卮子石斛小麥知母麥冬竹葉蓮
子心等藥服之卽應續予女貞早蓮牡蠣龜板地黃善後而瘥
古方書云喘無善證喘而且汗尤屬可危潘肯堂室仲冬陡患
氣喘醫治日劇何新之診其脈無常候囑請孟英質焉孟英曰
兩氣口之脈皆肺經所主今肺爲痰壅氣不流行虛促雖形未
必卽爲虛諦况年甫三旬平時善飯病起于暴苔膩痰濃縱有
足冷面紅不飢不寐自汗等證無非痰阻樞機有升無降遂
與石膏黃芩知母花粉旋覆赭石吳仁通草海蛇竹瀝菴汁梨

汗等藥一劑知三劑平乃去二石加元參杏仁服旬日而安俟其痰嗽全調始用沙參地黃麥冬等以滋陰善後

室女多抑鬱乾嗽爲火鬱夫人而知之者王杞庭之妙年踰標梅陡患乾嗽無一息之停目不交睫服藥無功求孟英診焉兩脈上溢左兼絃細口渴無苔乃真陰久虛風陽上僭衝嗽不已厥脫堪虞投牡蠣龜板鼈甲石英茯苓熟地歸身牛膝冬蟲夏草胡桃肉之方藥甫煎果欲厥亟灌之卽寐次日黃昏猶發寒瘧仍灌前藥至第三夜僅有寢汗而已四劑後諸恙不作眠食就安設此等潛陽鎮逆之方遲投一二日變恐不可知矣

况作鬱治而再用開泄之品耶。故辨證爲醫家第一要務也。寓意草謂傷風亦有戴陽證。此爲高年而言。然有似是而非者。黃鼎如令堂年登大耋。季冬感冒。痰嗽氣逆。額汗。額紅。胸痞。不飢。神情躁擾。孟英診脈。左絃疾而促。右滑數而溢。苔色滿布。係冬溫挾痰阻肺。治節不伸。肝陽鼓舞直升。羅謙甫有治痰火類孤陽之案。頗相似也。以小陷胸湯加薤白。旋覆。赭石。花粉。海蛇。鳧。苴。竹。瀝。爲大劑。投之。痰活便通。數日而瘳。繼有陳舜廷之父。年踰花甲。患痰嗽氣逆。惟飲薑湯。則胸次舒暢。醫者以爲真屬虛寒矣。連投溫補之劑。馴致咽痛不食。苔色灰刺。便閉無溺。求

孟英診之。脈至雙絃。按之索然。略無胃氣。曰。渴喜煎湯者。不過爲痰阻清陽之證據耳。豈可妄指爲寒。疊投剛烈。胃陰已竭。藥不能爲矣。

東垣云。中年以後。已行降令。清陽易陷。升舉爲宜。吾師趙菊齋先生。年踰花甲。偶因奔走之勞。肛翻患痔。小溲不行。醫者擬用補中益氣及腎氣丸等法。孟英按其脈。爽滑而數。苔色膩滯。此平昔善飲溼熱。內蘊奔走過勞。邪乃下注。想由強忍其肛墜之勢。以致膀胱氣阻。溲澀不通。既非真火無權。亦詎清陽下陷。師聞而歎曰。論證如見肺肝。雖我自言。無此明切也。方以車前通。

草烏藥延胡卮子橘核金鈴子澤瀉海金沙調膀胱之氣化而
滲水服之洩卽漸行改用防風地榆丹皮銀花荆芥槐蕊石斛
黃連當歸清血分之熱而導溼肛痔亦平設不辨證而服升提
溫補之方則氣愈窒塞濁亦上行况在高年告危極易也

許芷卿痞起季秋孟英嘗清其伏暑而將愈其從母亦知醫強
投以小柴胡一劑勢復劇孟英予溫膽湯去甘草加生石膏黃
芩知母花粉蘆薈而安繼因作勞太早而復發適孟英丁憂趙
君笛樓仍用清解而蹉迨季冬移居勞頓瘡復開作且面浮跗
腫喘嗽易噦人皆以爲大虛之候孟英切脈左絃勁而數右滑

大不調。苦黃且膩。口渴。溺多。乃肺胃之痰熱有餘。肝膽之風陽。上僭畏虛。率補必不能瘳。用西洋參。知母。花粉。竹茹。蛤殼。石斛。枇杷葉。青蒿。秦芩。白薇。銀花。海蛇。爲方。連投四劑。大吐膠痰。而各恙悉除。

薛氏醫案。每以補中益氣湯。與地黃丸。並用爲治。雖虛不遠之。賢亦或效。尤其實非用藥之法也。如果清陽下陷。而當升舉者。則地黃丸之陰凝滯膩。非所宜也。設屬真陰不足。當用滋填者。則升柴之耗散。不可投也。自相矛盾。紀律毫無。然上下分治。原。有矩矱。屠敬思素屬陰虧。久患痰嗽。動卽氣逆。夜不能眠。頻服。

方俱靈妙可以
爲法

滋○潛○納○食○漸○減○稍○沾○厚○味○嘔○腐○吞○酸○孟○英○視○脈○左○絃○而○微○數○右○
則○爽○滑○兼○絃○水○常○泛○濫○土○失○隄○防○肝○木○過○升○肺○金○少○降○良○由○久○
投○滋○膩○溼○濁○內○蟠○無○益○于○下○焦○反○礙○乎○中○運○左○強○右○弱○升○降○不○
調○以○菴○蓉○黃○柏○當○歸○芍○藥○熟○地○丹○皮○茯○苓○棟○實○砂○仁○研○爲○末○藕○
粉○爲○丸○早○服○溫○腎○水○以○清○肝○以○黨○參○白○朮○枳○實○菖○蒲○半○夏○扶○苓○
橘○皮○黃○連○蒺○藜○生○曬○研○末○竹○瀝○爲○丸○午○服○培○中○土○而○消○痰○暮○吞○
威○喜○丸○肅○上○源○以○化○濁○三○焦○分○治○各○恙○皆○安○悉○用○丸○劑○者○避○湯○
藥○之○助○痰○溼○耳○

本朝乾綱丕振雀頂尙紅冠飾朱纓口燂烟草皆爲陽盛之象

是以火證偏多。夫藥者補偏之物。醫爲救弊之人。豈可不識此大氣運。而硜硜然泥夫司天在泉以論治。何異癡人說夢耶。安徽人程某在余姑丈許辛泉典中司會計。仲冬患感。醫者聞其病前一日曾啖生蘆朮一枚。而大便又溏。苔色又白。今年又爲溼土在泉。遂指爲中虛寒溼之病。參朮桂附多劑。率投馴致舌黑神昏。尙疑爲大虛之候。禾中沈柳衣見之。知其藥誤。另招張鏡江診之。曰冬溫也。連與犀角地黃湯而無起色。二十日外始乞孟英視焉。舌縮底絳。苔黑如漆。口開莖萎。脈細數而絃。右則按之如無陰液。盡燥。溫毒深蟠。甘露瓊漿不能復其已竭之津。

矣。俄而果敗。繼有潘聖徵于仲冬患感。至十四日退熱之後。杳不知飢。羣醫雜治。迨季冬下旬。轉爲滯下。五色。骸腫裂血。洩澀。口乾。始延孟英診之。左脈絃細而數。右脈滑而空。苔色黃膩。根焦。時或自汗。乃氣液兩竭。熱毒逗留之象。必從前過服溫補之藥。否則熱退在十四日之期。何至延今五十餘朝。而見證若是之棘手哉。其弟鴻軒云。此番之病。補藥不過二三劑。惟仲秋患瘧時。醫謂其苔白體豐。云是寒溼。嘗餌附桂數十劑。且日飲燒酒耳。孟英曰。此卽釀病之具矣。治病且難。何況有如許之藥毒。內伏更將何法以生之耶。堅不立方。其家必欲求藥以期扶持。

度歲。孟英曰：是則可也。以白頭翁湯加銀花、綠豆、歸身、白芍、陳
米、燕根、蘭葉、藕爲劑。面以補中益氣大料蒸露代水煎藥。服後
焦苦漸退，痰色亦正。舉家喜出望外。復以孟英圖之。奈脈無轉
色，遂力辭之。又沈聽松、龔尹太夫人季秋患瘡，孟英嘗往診之。
曰：伏暑所化，且體屬陽強而多痰火，切勿畏虛，輒從溫補。奈病
者期于速愈，廣徵醫療，或以爲證屬三陰，或謂是子母瘡，或指
爲老年胎瘡，眾楚交咻，病不能愈。延至季冬，亦轉爲痢，且膚腫
臀瘡，口糜舌疱，諸醫束手，復請診于孟英。脈與潘同，不可救藥。
謝譜香體屬久虛，初冬患嗽，痰減食適。孟英丁艱，邀施某視之。

古人補腎不如
補脾補脾不如
補腎之說均有
至理而用違其
宜亦均足致敗
此醫所以首貴
認證也

三上醫之新編 卷八
云是腎氣不納命火無權疊進腎氣湯月餘遂致嘔惡便溏不
飢無溺乃束手以爲必敗矣季冬仍延孟英診之脈甚絃栗苔
膩舌紅乃中虛而健運失職誤投滋膩更滯樞機附桂之剛徒
增肝橫予黨參白朮茯苓澤瀉橘皮半夏竹茹卮子薏苡蒺藜
蘭葉柿蒂之劑培中泄木行水蠲痰旬日而愈

藁砧遠出婦病如狂似屬七情而亦有不盡然者有陳氏婦患
此月餘巫醫屢易所費既鉅厥疾日增孟英切其脈絃而數能
食便行氣每上衝腹時痛脹詢其月事云病起汛後繼多白帶
孟英曰病因如是而晝則明了夜多妄言酷似熱入血室之候

徑從瘀血治可也。子桃仁紅花犀角菖蒲膽星旋覆赭石丹參
琥珀葱白之劑兩服而瘀血果行。神情爽慧。繼去桃仁紅花如
當歸元參服數劑而瘳。

范廉居夫婦與其令愛一時患恙旬日後咸劇。金粟香薦孟英
視之廉居則大解已行熱退未淨氣逆不飢呃忒自汗脈形虛
大舌紫無苔爲上焦熱戀下部陰虧之象。予西洋參旋覆竹茹
枇杷葉石斛柿蒂牡蠣龜板刀豆牛膝之劑兩服卽舌潤知飢
呃汗皆罷去刀豆旋覆柿蒂加熟地胡桃肉當歸投之而愈其
室則苦膩口酸耳鳴不寐不飢神憊腕痛頭搖脈至虛絃按之

瀰弱以當歸白芍枸杞木瓜棟實半夏石斛茯神竹茹蘭葉白
 豆蔻為養營調氣和胃柔肝之法數啜而瘳深女則壯熱數尿
 二便皆閉苦黃大渴脹悶難堪脈來絃滑數實係府證也投桃
 核承氣加海蛇蘆菴二劑而痊廉居尊人穎禾曰甚矣服藥之
 不可不慎也三人之證醫者皆謂可危而治之曰劇君悉以一
 二劑起之抑何神歟因憶四十二歲時患病胡魁先川首烏大
 早遂致客邪罔戀纏綿百日大為所困嗣後不敢服藥今四十
 年矣昨聞韓組林年雖七十飲噉兼人而平時喜服藥醫以為
 老輒用附桂參茸等藥以期可享遐齡詎料初八日晚餅尙健

飯三更睡醒。候寒慄發顛。俄而四肢癱瘓。越日云亡。得非卽世
人所謂之子午證耶。孟英曰。此老係陽旺之體。肥甘過度。痰火
日增。年至古稀。真陰日耗。而久服此等助火燥陰之藥。以致風
從火出。立拔根芟。與兒科所云急驚風證。殆無異焉。

古云肥白之人多氣虛。又云痰飲須以溫藥和之。儒醫顧聽泉
體豐色白。平昔多痰。晨起必喘逆。飽食稍安。頗有氣虛之象。季
冬感冒。自服疏解未效。迺孟英診焉。左關絛寸滑如珠。尺細而
乾。舌尖甚絳。乃真陰素虧。水不涵木。風陽內熾。搏液成痰。謀慮
操持。心陽太擾。肺金受燥。治節不伸。苔雖白而已乾。熱雖微而

晴○赤○忌○投○溫○燥○宜○予○輕○清○用○元○參○石○斛○卮○子○竹○茹○旋○覆○蛤○殼○貝○
母○枇○杷○葉○竹○葉○蘭○葉○蓮○心○爲○劑○三○啜○而○安○自○謂○氣○虛○遽○服○黨○參○
枸○杞○當○歸○等○藥○下○嚙○之○後○卽○覺○火○升○氣○逆○漸○至○言○語○支○離○洩○頻○
自○汗○黃○夜○復○迎○孟○英○拯○治○脈○已○虛○促○不○調○卽○投○牡○蠣○龜○板○鼈○甲○
女○貞○旱○蓮○元○參○甘○草○小○麥○竹○葉○蓮○心○以○和○心○肝○之○陽○而○鎮○龍○雷○
之○奮○一○劑○而○平○繼○又○作○勞○復○感○仍○投○輕○清○之○法○兩○劑○後○又○因○佛○
怒○縈○思○肝○陽○復○僭○顴○紅○目○赤○左○耳○時○聾○夜○不○成○眠○神○情○煩○燥○越○
日○陡○然○大○汗○溼○透○衣○衾○再○速○孟○英○圖○之○脈○極○絃○數○而○細○仍○爲○陰○
虛○陽○越○不○可○誤○認○陽○虛○而○妄○施○附○桂○者○先○令○熏○以○炭○醋○撲○以○蠣○

粉隨灌以大劑。二至二冬三甲元參丹參人參黃連童溲而瘰。
繼予多劑育陰清肝始得全愈。又其媳新產之後頭痛甚劇。孟
英按其脈右甚滑大。予清陽明法得大解而瘳。

王氏醫案卷八

原名仁術志

跋

或疑孟英醫案二種雖證治多條而善用清涼短于溫補以之立法母乃偏乎余曰火烈民望而畏之故鮮死焉水懦弱民狎而玩之故多死焉藥則反是涼解則人望而畏之設以涼解生之而不感溫補則人狎而玩之設以溫補殺之而不怨徇人欲而求合于世者咸操此術焉而孟英者讀書明道知藥爲治病之具也見是病用是藥宜熱宜涼初無成見然七情內動卽是火邪六氣外侵皆從熱化自然熱證浮于寒證涼解多于溫補正是補偏救弊隨時而中之法胡可謂之偏耶再以余數十年

本自擊親族之病而驗之大抵不死於溫則死于補卽不遽死而漸成錮疾亦遷延以死言之痛心指不勝屈姑就余一家而言胞叔偶于秋間發熱舌色黃膩醫以其七旬有餘也投溫補而尋斃余從母患痰火醫以其右尺之沉微無力也而投溫補旋變癩狂延數年斃余長男周歲發熱醫謂慢驚投參朮而殞次男亦然乃變癩證久之亦殞吁可不慘哉可不畏哉迨季男患滯下幼科治之漸劇僉議參附挽回余謂殷鑒不遠與其死于火甯死于水徑投犀角等藥多劑得生考古有救瀉死之方卽此可悟又何疑歟

庚戌秋七月族兄燮瘦石謹跋